



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Außlegung der Episteln vnd Euangelien: von Ostern bis auff das Aduent**

**Luther, Martin**

**Wittemberg, 1547**

**VD16 L 5614**

10 Exempel öffentlicher Teufflicher Artickel der Widerteuffer/ Mahmets/  
Bapstumbs Iere.

**urn:nbn:de:hbz:466:1-37032**

Also thun auch alle andere Geistesrey/ auffser der rechten lere der Schrifft/ des Turcken/ Mahmet/ der Juden Thalmud/ Item vnser Widerteufferey/ (so fast dem selben gleicher) Alle lassen sie die rechten werck vnd leben/ so Gottes Gebot fordert vnd treibet/ faren vnd ansehen/ vnd dafur von andern heuchlicher heiligkeit geifern/ in sonderlichen wercken vnd auffsetzen/ grawe röße tragen/ sawr sehen/ nicht wein trincken/ dem leibe wehe thun/ mit sonderlichem fasten/ viel vnd lang ge gebet sprechen etc.

Darumb/ sage ich/ mus jm hie niemand lassen das mauel auffsperrn/ noch ein gepler für augen machen/ mit falschem schein vnd irrewischen grosser trefflicher wercke/ heiligkeit etc. sondern mit solchen fruchten hieher lauffen zum rechten licht/ welches ist Gottes Wort/ Daraus man mus gelernet haben vnd wissen/ was Gott haben wil/ vnd recht vnd wol gelebt heisse/ Vnd darnach schließen/ was beide/ ein guter bawm vnd gute fruchte/ oder das widerspiel sey/ Es gilt hie nicht/ was dich gros/ schön vnd köstlich düncket/ Sondern dahin mustu komen/ wiltu nicht irren vnd betrogen werden/ das du nicht duncckelst/ sondern hörest vnd wissest/ was Gott sagt/ das da recht/ gut vnd jm gefellig sey.

Als ist in gemein gesagt von den fruchten falscher lere/ die da wol köstlichen schein haben/ vnd doch im grund nicht gut sind/ Aber hierüber sind noch andere/ die da gröber vnd bas zu kennen sind. Vnd haben die Christen diesen vorteil/ das sie solche auch öffentlich vnd greiflich spüren vñ vberweisen können/ als an rechten eigentlichen fruchten des Teufels lere vñ lüge.

Denn es hat ein igliche Kotterey alle zeit etwo einen oder mehr sonderer stücke vnd Artikel/ die da öffentlich vnd recht vnd wol zu kennen sind/ das sie vom Teufel sind/ welche sie öffentlich leren/ treiben vnd verteidigen/ als recht/ gewis vnd nötig zu glauben oder zu halten/ Denn es kan sich doch der Lügegeist nicht also bergen/ er mus zu letzt mit seinen klawen erfur ragen/ daran man den reissenden Wolff spüren vnd mercken kan.

Des magstu Exempel vnd zeugnis nemen/ an allen bekandten Kotten vnd falschen Geiftern/ Als zu vnser zeit die Widerteuffer/ von welchen offenbar ist/ das sie nicht von Christo/ noch glauben vñ Sacramentē recht leren/ halten die Tauffe für ein schlecht blos ledig zeichen/ verachten das eusserlich mündlich Wort vnd Schrifft/ geben für sonderliche offenbarung/ on zeugnis Gottes Worts/ schenden vnd zureissen den Ehestand/ weil sie leren/ Ein Man möge sein Weib wol verlassen/ so nicht seines Glaubens ist/ vnd andere/ eine oder mehr zu sich nemeen/ Item/ alle güter gemein machen wollen/ keine Oberkeit noch Regimēt erkennen noch billichen/ denn was ires Glaubens ist etc. Gleich wie vor zeiten die Manicheer Bezzer auch fast mit solche stücke vmbginge.

Daher als denn mus folgen/ das solche auch mit groben stücken heraus faren/ dabey man iren Geist greiflich spüren kan/ Denn weil sie geletet/ es könne keine Oberkeit sein/ denn die da sey heilig vnd Christen (das heisse/ ires Glaubens) damit haben sie sich schon aus allem gehorsam gezogen/ vnd wollen recht vnd fug haben/ sich wider die Oberkeit zu setzen/ ja die selbe auch mit gewalt zu verstoßen/ vnd sich an die fiat zu setzen/ Wie Thomas Münzer vnd die Münsterrischen Propheten sich aus diesem grund öffentlich vnterstunden.

Also auch/ weil sie alle güter wollen gleich in gemein ausgeteilt habē/ Jē/ das sie mögen ire Weiber verlassen vnd andere nemeen. Daraus folget hernach auch/ das sie in ander Leut gut vnd habemögen greiffen/ rauben vnd nemeen/ was sie wollen vnd können. Item/ das sie ire Weiber/ so offte sie selbs wollen/ von sich stossen/ andere nemeen vnd wider verlassen/ vnd also vnterinander mit solchem wechseln/ alle vnzucht/ schand vnd laster treiben. Sibe/ da sie hestü beide/ an der lere vnd leben nichts denn böse/ faule/ arge frucht/ welche doch nicht kan sich bergen/ sie mus sich zu letzt antag geben/ das man den bawm daran kennen könne.

Der gleichen fruchte wirstu gewislich finden bey allen andern leren vnd Glauben/ so nicht das reine Gottes

s Wort

Der Widerteuffer lesterliche Amdt

Grobe greifliche böse stück/ so aus der Widerteuffer lere folgen.

Chaldische  
vnd Jüdische  
heiligkeits

Pharisäer  
schelme  
die lere  
hen/ gott.

Kabe vnter  
von alleley  
hre vnd le  
ten aus  
Gottes  
Wort.

Bonderer  
liche böse  
fruchte etc  
na jeden  
Kottengest  
heit.

Also



## Auslegung des Euangelij/

Wort sind. Ich wil hie nicht redē von des Mahmets Alkoran/ Denn der mahmets Alkoran. chers gar zu grob/ mit greiflichen lesterlichen/ schendlichen lügen/dazu mit erleubung öffentlichs mords / hurerey/ vnzucht/ zureiffen des Ehestands/on alle andere schendliche greuel vnd besrug. So were auch viel zu lang zu sagen/ von den leidigen fruchten des ganzen Papsthumbs/vñ ist anderswo reichlich gehandelt.

**Scheltliche fruchte der lere des Papsthumbs.**  
Denn ich wil schweigen der stücke irer lere/ so etwas subtiler sind/ das sie die Zehen gebot nicht recht geleret/vnd aus dem/ so die selben fordern/nichtes denn Rete gemacht haben/ die niemand für Gote schuldig sey zu thun/denn wer da wil vollkommen sein/vnd etwas anders/ das sie auch nichts rechtes vom Euangelio vnd Glauben Christi geleret haben/das man doch in der Kirchen fürnemlich wissen vnd treiben sol/ wie die herzen rechten gewissen trost mögen haben/ Sondern stracks wider den Glauben vnd den trost Christi/ haben die Leute dahin gefüret/ das wenn sie schon an Christum glauben/ vnd alles gethan hetten/solten vnd müsten sie dennoch zweueln an der Gnade.

**Des Papsstes verkerung wider die lere des Glaubens.**  
Item/ ich wil nicht sagen/ was sie auch für öffentliche schendliche / vnchristliche greuel vnd Abgötterey mit iren Messen/ todter Heiligen anruffen/ Ablass/ Segeweis lügen vnd kriegererey getrieben / Welches doch alles solche fruchte sind / daran der bawm wol zu kennen ist/ als da ja nicht süsse drauben noch feigen/ sondern eitel saure/bittere heerling/dornschlehen oder hainbutten sind.

**Öffentliche Abgötterey des Papsthumbs.**  
Aber sihe allein die groben stücke an/ die sie selbst nicht beschönnen können/wie sie wider Gottes Wort vnd Gebot öffentlich vnd vnuerschampt faren/ Als das sie die Kinder aus irer Eltern gewalt vnd gehorsam frey sprechen/ so bald sie nur fürgeben Pfaffen/Mönche oder Nonnen zu werden/ Item/das sie wider der Eltern willen Ehe gelübb bestetigen oder wider zurreiffen/ Des gleichen/das sie jungen Leute/ die sie zur Pfafferey vnd Closter leben gereizt/die Ehe verboten / vnd gezwungen / on hoffnung des Ehestands zu leben/ vnd damit die Welt vol schendlicher /

**Öffentliche lere wider Gottes Gebot.**  
vnsegllicher vnzucht/ schand vnd laster gefüllet/ vnd die Seelen in des Teufels strick vnd verderben versencke/ Daher auch S. Paulus solche Ehe verbot vmb solcher fruchte willen verdampt / vnd Teufels lere heisset.

Vnd das noch schendlicher ist zu hören in der Christenheit / faren sie zu/ wollen noch solches vnuerschampt vertheidigen / mit selbst verdampftem gewissen / vnd noch heutiges tages sagen dürfen / es sey jr öffentliche hurerey vnd schandleben nicht so böse / als das ein armer Priester ein Eheweib nimpt/ damit er nicht in vnzucht vñ bösem verdampftem gewissen leben müsse. Ja/ das alles bestetigen sie noch dazu mit verfolgung mord vnd blut vergießen/ an armen/ fromen/ vnschuldigen Leuten/ allein darumb/ das sie ehlich werden/ oder das sie das Sacrament nach Christi einsetzung brauchen/ vnd nicht alle des Papsstes lügen vnd greuel/ wider Gottes Wort/ anbeten/ Wollen da zu in solchem allen recht gethan haben/ Zehnter der Christlichen Kirchen/ oder je gehorsame glieder heissen/ Vnd die solches straffen oder dawider sagen/ als die ergsten Zehrer verdammen/ verfluchen / vnd heissen mit schwert vnd feur verderben.

Wie sage du mir/ ob das nicht sind/ öffentliche/ kendliche fruchte des bösen bawms/ welchs ist die rechte widerchristliche lere vnd Regiment/ die grundsuppe aller hellischen gifte des Teufels/ Denn was kan es anders sein/ denn des Teufels Kotte/ die da vnter dem namen der Kirchen die Leute verdammen vnd morden/ vmb keine andere vrsache/ denn das sie Gottes Wort predigen oder bestetigen/ vnd nach dem selbst thun/ vnd dennoch wil recht gethan haben/ Denn Gott hat ja frome/ vnschuldige Leute nicht geheissen verfolgen noch morden/ sondern loben/ ehren vnd wolthun/ sonderlich/ die da Gottes Wort vnd Gebot halten/ Das thut vnd helt auch die Christliche Kirche on alle zweuel/ Darumb ist hie einem jeden Christen/ leicht zu kennen vnd vrteilen/ was solches für Geister seien/ vnd bedarff keiner hohen Kunst/ noch weiter fragens oder disputierens/ so man allein vnterschiedet den rthum oder namen/ vnd die fruchte.

37e